

համաձայն և ուղիղ ու սուր պատմական ըմբռնողութեամբ նկարագրուած: Միայն մի ջերմ՝ ցանկութիւն կարևոր ենք համարում՝ աւելացնել մեր կողմից, թող Կ. վ. իւր ազատ միջոցը գործադրէ այս գրքի շանտնակութեան վրայ, որին մեզ հետ, յոյս ունինք, շատերն են սպասում:

ԵՐՈՒԱՆԻ ՎԱՐԴԱՊԵՏ.

Երիտասարդ Թիւրքիա. գրեց Ս. Սապան-Գիւլեան Պարիզ 1908 թ. զինն է 50 սանսիմ. Հրատարակութիւն Հնչակեան կուսակցութեան № 16:

Հեղինակի այս գրքոյն ուշադրութեան արժանի է յատկապէս ներկայ պայմաններում. յուլիսի 11-ի բարեփոխութեամբ երիտասարդ թուրքերի կուսակցութիւնը առաջնակարգ գործոն հանդիսացաւ Օսմանեան պատմութեան մէջ: Թուրքիայի բազմը, նորա յաջողութիւնն ու ներքին խաղաղութիւնը կապուած է մասամբ և այս կուսակցութեան բազմի հետ: Այսօր նրանք են ղեկավարող ուժերը և երևի նրանք կլինեն նաև նոր պետութեան և սահմանադրական օրէնստուութեան հոգին ու տէրը: Ծանօթանալ այս շարժման ծագման և զարգացման պատմութեան հետ ինքնըստինքեան շահեկան է, բայց ծանօթանալ նրա ձգտումներին, առաջնորդող գաղափարներին և հայեացքներին մեզ համար կենսաթրթիւ մի խնդիր է յատկապէս, թէ այդ կուսակցութիւնը ինչպէս է նայում ազգայնական խնդիրների վերայ:

Հեղինակը մեզ պատմական համառօտ ծանօթութիւններ տալուց և Միդհատեան սահմանադրութեան ֆիասկօն նկարագրելուց յետոյ, քննութեան է ենթարկում երիտասարդ թուրքերի սխալներն ու պակասութիւնները: Երիտասարդ թուրքերը օգևորուած Օսմանեան պետութեան գաղափարով, անուշադիր են թողնում ազգայնական խնդիրները: Իսկ պետութիւնը, ընդհանուր բարեկարգութեան խնդիրը հանդէս է բերել այն ժամանակ, երբ այս կամ այն ազգի համար ինքնավարութեան հարց է ծագել: Հայ, արաբ, մակեդո-

նական ազգերը չի կարելի միացնել օսմանեան կամ թուրք տարրի հետ: Սոքա ունին իրենց անցեալը, քաղաքակը՝ թուրքերը, լեզուն, որ ոչնչացնել կարելի չէ: Նոյն իսկ միջազգային բնաւորութիւն է ստացել եւրոպական պետութիւնների ձեռքով նրանց ինքնավարութեան հարցերը: Արևելեան խնդիրը լուծուել կարող է, երբ այս վերջին հանգամանքները ի նկատի առնուին: Ընդհանուր քարեփոխութիւն ամբողջ պետութեան մէջ և ազգային ինքնավարութիւն այլասեռ, ոչ թուրք փարբերի համար, ահա արևելեան հարցի լուծման ուղիղ ճանապարհը ըստ հեղինակի:

Միանգամայն համաձայն ենք հեղինակի այս վերջին մտքերի հետ: Գրքոյկը հրատարակուած է յուլիսի 11-ի յեղափոխութիւնից առաջ, հեղինակն ամենևին չի նախատեսում երիտասարդ թուրքերի կատարելիք գործը: Նոյն իսկ արհամարհանքով է խօսում նրանց զօրութեան և գործնական հետեանքների մասին: Բայց այս կէտը չի նսեմացնում հեղինակի գլխաւոր մտքերը, որ ի նկատի պիտի ունենան երիտասարդ թուրքերը, եթէ Օսմանեան պետութեան մէջ խաղաղութիւն և այլասեռ տարրերի համերաշխութիւն հաստատել են կամենում:

Գ.

Փետրեան օճախը կամ Օրմանեանի պատրիարքութիւնը. գրեց Ա. Գրիգորեան, Պոսթոն, 1908.

Ո՞նի Ա. Գրիգորեան՝ նախ Ամերիկայում հրատարակուող «Ազգ» լրագրի մէջ և ապա առանձին գրքով 11 գլխի մէջ հորովել է փողոցային անպատկառութեամբ հայոց լեզուի բոլոր հայհոյական բաւերն ու ոճերը Մ. Օրմանեանցի դէմ, նորան վարկաբեկ անելու և կաթուղիկոտութեան համար նորա անձնաւորութիւնը վրասակարցոյց տալու նպատակով: «Զանգակը» № 36, որի թշնամական յարաբերութիւնը դէպի նախկին պատրիարքը յայտնի է ամենքին, ահա ինչպէս է բնորոշում այդ գիրքը իւր աշխատակից Ն. Ա. ի ձեռքով. «Նրա (Օրմանեանի) ա-